



Mónica González Pavón, secretària generau deth Conselh Generau d'Aran,

CERTIFIQUI:

Que segontes Decret de Sindicatura num. 0685/2025, de 23 de deseme, s'a adoptat era següenta resolucion, era còpia literau dera quau ditz:

"Maria Vergés Pérez, sindica deth Conselh Generau d'Aran, en tot hèr usatge des facultats que me conferís er article 29 dera Lei 1/2015, de 5 de hereuèr, deth Regim Especial d'Aran,

Vist qu'en Conselh de Govèrn de data 6 de noveme de 2025 s'acordèc aprovar eth Plec de clausules administratives particulars e eth Plec de prescripcions tecnicas particulars, der expedient de contractacion, atau coma dera licitacion dera contractacion des servicis de "*Produccion e emission televisiva de contienguts audiovisuaus qu'informen des servicis e dera activitat culturau, sociau, economica e toristica deth territòri d'Aran*".

Vistes es puntuacions que resulten dera avaloracion nomentada, que se reproduís ara seguida:

Critàris avalorables mejançant JUDICIS DE VALOR

B.1. Memòria de qualitat e varietat dera prepausa (enquiath maxim de 10 punts)

B.1.A. Definicion deth servici (enquiath maxim de 5 punts)

Puntuacion: 4 punts

B.1.B. Organizacion deth contratista (enquiath maxim de 3 punts)

Puntuacion: 1,5 punts

B.1.C. Determinacion des objectius (enquiath maxim de 2 punts)

Puntuacion: 1,5 punts

Totau: 7 punts

Critàris avalorables mejançant FORMULES:

- 1- Proposicion economica: 45 punts
- 2- Temps addicionau de contiengut audiovisuau en aranés: 15 punts
- 3- Coneishement dera lengua aranesa per part dera equipa: 0 punts
- 4- Experiència tecnica e professionau des membres der equip qu'a d'intervier en desenvolopament deth contracte: 0 punts

TOTAU: 67 PUNTS

En resum, era aufèrta presentada resulte dera forma següenta:

LICITADOR	PUNTUACION (SUS 100)
LERINFORM SLU	67 PUNTS





Dat que, notificat er acòrd anterior, era empresa presentèc era documentacion exigida en amàs de clausules administratives (Registre d'Entrada 8873/2025, de 22 de deseme). Er impòrt corresponent ara garantida definitiva, sèt mil euros (7.000,00 €) s'a depausat mejançant transferéncia bancària dera següent forma:

- Contracte der an 2019: 2.479,33 €
- Contracte der an 2022: 4.020,67 €
- Contracte der an 2025: 1.000,00 €

Era empresa LERINFORM LLEIDA SLU non procedic a demanar era devolucion der impòrt corresponents as garanties definitives anteriores a despièt de qu'es servicis se prestèren conforme as contractes.

Per tot açò expausat, e visti es articles 151, 154 e concordants dera Lei 9/2017, de 8 de noveme, de Contractes deth Sector Public e 13.1.d) e Disposicion Addicionau Ueitalu dera Lei 19/2014, deth 29 de deseme, de Transparéncia, Accès ara Informacion Publica e Bon Govèrn se prepausa ath Conselh de Govèrn:

È RESOLVUT:

Prumèr.- Avocar era competéncia entara adjudicacion deth contracte deth servici de "*Produccion e emission televisiva de contienguts audiovisuaus qu'informen des servicis e dera activitat culturau, sociau, economica e toristica deth territòri d'Aran*" de per rason d'urgéncia, cossent damb çò que dispausa eth Decret de Sindicatura num. 326/2023, de 22 de junh.

Dusau.- Declarar valid eth procès de licitacion dera contratacion des servicis de "*Produccion e emission televisiva de contienguts audiovisuaus qu'informen des servicis e dera activitat culturau, sociau, economica e toristica deth territòri d'Aran*", mejançant procediment dubèrt damb tramitacion ordinària, cossent damb çò previst en articles 17, 122, e 156 dera Lei 9/2017, de 8 de noveme de Contractes deth Sector Public.

Tresau.- Adjudicar eth contracte de servicis abans nomentat ara empresa LERINFORM LLEIDA SLU, damb CIF num. B25066184, per un impòrt totau cent ueitanta un mil cinc cents euros (181.500,00 €) IVA includit, damb eth desglossament següent:

- Cent cinquanta mil euros (150.000,00 €), de valor net deth contracte, e
- Trenta un mil cinc cents euros (31.500,00 €), en concèpte d'IVA.

Aguesta adjudicacion se hè, a cargue dera aplicacion pressupostària num. 2025/01.491.22799.01 deth pressupòst generau vigent entar exercici 2025 damb ua durada totau enquia 31 de deseme de 2026.

Quatau.- Notificar aguesti acòrds ara empresa LERINFORM LLEIDA SLU, adjudicatària d'aguest contracte, era presenta resolucion e citar-la entara signatura deth contracte, que s'a de passats es quinze (15) dies següents ara adopcion d'aguest acòrd.



Cincau.- Notificar aguesti acòrds ara Tresaureria deth Conselh as efèctes oportuns.

Siesau.- Dar publicitat dera adjudicacion e dera formalizacion deth contracte e dera rèsta de donades especificades en article 63 e concordants dera LCSP en Perfil deth Contractant, de conformitat damb es art. 151.1 e 154.1 LCSP.

Setau.- Publicar es donades basiques d'aguest contracte en Portau dera Transparéncia dera Corporacion.

Uetau.- Comunicar era adjudicacion d'aguest contracte ath Registre Públic de Contractes dera Generalitat de Catalunya e ara Plataforma de Servicis de Contractacion Publica, cossent damb çò qu'establís es art. 346 LCSP e ena Disposicion Addicionau Uetau dera Lei 19/2014, deth 29 de deseme.

Nauau.- Dar compde d'aguest Decret en prumèr Conselh de Govèrn deth Conselh Generau d'Aran que s'amie a tèrme."

E, entà qu'atau cònte ar efècte oportun, signi aguest certificat d'orde e damb eth visteplatz dera Sindica.

Vielha, *signat electronicament*

Vist e platz
Era Sindica

Maria Vergés Pérez